

سنة لکی در سعادت ایچون مجیدیه
بکرمی غروش حسابیله التمش
غروشدر

طشره ایچون پوسته اجرئی اوله رق
اون بش غروش ضم اولنور

نسخه سی ۴۰ پاره در

فکر دیک محاکمه علییه

آبونه اولقی ایستینلر دائره عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیهیه متعلقدر

محاکمه ایچون مقبره لایت

محکمه تمیز استدعا دائره سندن تنظیم واعطا
قلنان اعلامدر :

طرابلس غرب ولایتی استیناف محکمه سی جزا
دائره سندن لاحق اولوب ۲ مارت سنه ۳۲۲ تاریخده
تفهیم قلنان قرار ی ناطق ۹ مارت سنه ۳۲۲ تاریخی
۲ عددلی اعلامک تمیز آندقیقی متضمن محکمه مذکوره
مدعی عمومیلکندن ویریلان ۴ مارت سنه ۳۲۱
تاریخی استدعاینامه واوراق متفرعه سی باش مدعی
عمومیلک مأموریت بهیه سنک ۲۰ مارت سنه ۳۲۳
تاریخی تبلیغنامه سی ایله محکمه تمیز استدعا دائره سنه
تودیع اولمش ولدی التدیق مذکور استدعاینامه نک
مدت قانونیه سی ظرفنده ویرلیدی اکلشلمش
اولدیغندن بالقبول تدقیقات تمیزیه اجراسنه ابتدار
قلندی .

اعلام مذکورک خلاصه مالی ایفای وظیفه
انسانسده ژاندارمه افرادندن توفیق ضرب ایتدیکی
ادعاسیله مظنون علیه اولان عبدالله افندینک مع القسم
استماع اولنان شاهدلرک علی الدرجات وقوع بولان
شهادتیه ثابت اولان حرکت مذکوره سندن طولای
قانون جزانک یوز اون دردنجی ماده سی حکمنه
توفیقاً التی ماه مدته حبسنه دائر لاحق اولان اعلام
ابتدائی علیهنده مرقوم عبدالله افندی طرفندن اقامه
اولنوب استیناف دعوی ایتسی اوزرینه سبق ایدن
محاکمه و تدقیقات نتیجه سنده مستألف عبدالله افندی
سرخوش اوله رق تیاتروده کی او یونجیلره حرف اندازلق
ایتمسندن طولای وقوع بولان شکایت اوزرینه
مومی الیهی طیشارویه چیقارمق ژاندارمه نک وظیفه سندن
ایسه ده وقوع بولان منازعه ومضاربیه دخی ایفای
وظیفه دن تولد ایتش نظریله باقیله میه جنی جهته حکم
ابتدائینک تطبیقات نقطه سندن فسخیله مومی الیهک
قانون جزانک یوز یتش طقوزنجی ماده سی حکمنه

توفیقاً بکرمی کون مدته حبسنه قرار ویرلیدی
متضمندر .

لایحه تمیزیه ده مومی الیه عبدالله افندینک مرقوم
توفیق ایفای وظیفه انسانسده ضرب ایلیدیکی بدایه
استماع قلنان شهودک شهادتیه متحقق اولدینی حالده
استیناف محکمه سنجه حکم ابتدائینک تطبیقات
نقطه سندن فسخی جهته کیدلسی ومتن قانونک
اعلام استینافی به درج ایدلامسی مخالف اصول اولدیغندن
اعلام مذکورک تقضی استدعا اولمشدر .
تبلیغنامه ده دخی اعتراضات واقعه نک بجا کورلمش
اولدینی بیانیله اعلام مذکورک تقضی لزومی
کوسترلمشدر .

ایجابی لدی المذاکره محکوم مومی الیه عبدالله
افندینک حرکت واقعه سنک محاکمه تعین ایدن ماهیتنه
نظراً محکمه بدایجه جزا قانوننامه هایوننک یوز اون
دردنجی ماده سنک مدار تطبیق اتخاذبله تحدید جزاسی
یولنده ویریلان حکمک اصابت قانونیه سی میدانده
ایکن عند الاستیناف اعلام ابتدائینک تطبیقات
نقطه سندن فسخی جهته کیدلسی واستناد ایدیلان
ماده قانونیه نک اعلامه درجیه برابر مواجهه طرفنده
قرائتسندن صرف نظر اوله رق اصول محاکمه نک
بویابده کی تعریفاتنه توفیق معامله اولنامسی لایحه
تمیزیه ده کوسترلیدیکی و تبلیغنامه ده دخی بیان اولدینی
اوزره یولسر ومخالف قانون اولدیغندن اصول
محاکمات جزائییه قانوننک اوچیوز اون دردنجی
واوچیوز اون طقوزنجی ماده لری احکامنه توفیقاً
اعلام استینافینک تقضیه ۱۸ ایلول سنه ۳۲۳ تاریخده
منفقاً قرار ویرلیدی .

عایشه بی قتل قصدیه وروولور قورشونیه جرح
ایتدیکی ادعا اولمسندن دولای جنایتله اتهام اولنان
خالدک اوچ سنه مدته کورک قونلرینه دائر پرزرین
سنجانی بدایت محکمه سی جزا دائره سندن ویریلان
۳۲۲ نومرولی اعلام

واصفک دکانی قپوسنی آلت مخصوصه ایله آچهرق

اشیاسنی سرقت ایتدکری ادعا اولمسندن دولای
جنایتله اتهام اولنان یوسف الکلمه نک اوچ سنه مدته
کورک قونلرینه والعین بن محمد الحاج ایله العبد بن
صالحک برائتلرینه دائر قدس شریف سنجانی بدایت
محکمه سی جزا دائره سندن ویریلان ۱۰۴ نومرولی
اعلام

ناصره قریه لی محمدی ضرب ایده رک وفاته سببیت
ویردیکی ادعا اولمسندن دولای جنایتله اتهام اولنان
شاکرک بش سنه مدته کورک قونلرینه دائر عکا
سنجانی بدایت محکمه سی جزا دائره سندن ویریلان
۴۲۲ نومرولی اعلام

صاری تکیه قریه لی محمد اوغلی قنبرک مفلوجیتنه
ومحمدک تعطیل عضوینه سببیت ویردکری ادعا
اولمسندن دولای جنایتله اتهام اولنان مصطفی وحسن
اونباشینک اوچر سنه مدته کورک قونلرینه وجنحه
ایله مظنون علیهم اولان قنبر ومحمد وحسینک دخی
اون بشر کون مدته حبس ایدملرینه دائر سیواس
ولایتی استیناف محکمه سی جزا دائره سندن ویریلان
۱۴۷ نومرولی اعلام

ایوبک خانسهی آلتسده کی آخور قپوسنی آلت
مخصوصه استعمالیه آچهرق سرقت تصدی ایتدکری ادعا
اولمسندن دولای جنایتله اتهام اولنان مصطفی وعلینک
اوچر سنه مدته کورک قونلرینه وعلی بی جرح ایدن
مرقوم ایوبک دخی معافیتنه دائر جانیک سنجانی
بدایت محکمه سی جزا دائره سندن ویریلان ۴۰۶
نومرولی اعلام

معامله جبر وشدت اجراسیله یانیه لی کراجی
لوجی ولد نیقوله ورفقاسنک اچهرق اخذ وغصب
ایتدکری ادعا اولمسندن دولای جنایتله اتهام اولنان
کاظم وطیب ونیقوله وقوچونک اوچر سنه مدته
کورک قونلرینه دائر یانیه ولایتی استیناف محکمه سی
جزا دائره سندن ایکنجی دفعه اوله رق ویریلان ۱۹۸
نومرولی اعلام محکمه تمیز جزا دائره سنجه تصدیق
قلنمشدر .

۶۵۲ نومرو لی نسخه ده مندرج در سعادت جنایت محکمه سی اعلامنک مابعدی :

اوراق میاننده بولنان ۱۴ اغستوس سنه ۳۲۳ تاریخی ضبط ورقه سیله مقتولک معاینه سی حاوی راپور او قودت برلدی .

ضبط ورقه سنده اغستوسک اون دردنجی صالی کیجه سی پاشا قریه سنده ایلیانک خرس تو طرفدن جرح و قتل ایلدیکی خبر و یرلکله موقع جریمه عزیمت اولنه رق مذکور قریه ده بقال دکانی جهته ده اوزری چارشبه مستور برانسان جسدی کوربه رک آچدر برلده باشی غرب شمالی به و آیقاری شرق جنوبی به متوجه اوله رق آرقه سی اوستی دوشمش اولدینی کوریلان و اوزونجه بویلی سیاه صاج و قاشلی آزیقجه بیقلی الا کوزلی بغدای بکزی عادتاً آغز و برونلی تخمیناً آتش یاشلرنده بولنان مقتول مرقومک چالغی ایلیا اولدینی و وضعیتک تغییر و موقعک تبدیل ایلدیکی بیان ایلمکله مقتول مرقوم بدیه طبعی انزانیک اقدی به معاینه ایتدیرلده درت محلندن جرح اولنه رق سیلان ایدن دمدن وفات ایتدیکی بیان ایلمش و عندالتحری مقتولک اوزرنده سلاحه متعلق هیچ برشی ظهور ایتماش اولدینی و اجرا قتلان تحقیقاتده بقال خرس تونک و یرمی به ارزاق و یرمدیکندن طولای قیورجق خرس تونک کندیسنی ضرب ایتدیکی و اون دقیقه صوکره مرقوم خرس تونک الله بچاق اولدینی حالد بالورود کندوسی ظنیه چراغی واسیله هجوم ایتدیکی و کندوسی فرار ایتسیله ایلیا به تعرض ایدره مرقومی جرح و قتل ایتش اولدینی ایشته بکنی درمیان واستلیانوس ایله قاتل دتیلان خرس تونک برادری واسیلک دخی قیورجق خرس تونک بقال خرس تو ظنیه چراغی واسیل تعقیب ایتدکدن و بقال خرس تو اولدینی اکلا دقندن صوکره تکرار خرس تونک دکانه کلره ک مقتول ایلیانی کورمه کله مرقومه خطاباً پیشمدن نه کلورسک شاهدی اوله جقسک دیره ک هجوم ایتدیکی و ایلیانک صاووشمق اوزره چیقوب کتیدی صره ده قیورجق خرس تونک آرقه سندن کلره ک الله بولنان بچانی دفعاتله ایلیا به طوغری صالاددینی و بونک اوزرنه قیورجق خرس تو ایله و ایلیانک یکدیگرینه صار یه رق یره دوشدکلرنی و ضابطه مأمورلری کلره ک تفریق ایتدکلرنی ایلیانک مقتولاً وفات ایتش اولدینی کوردکلرنی اتیان و قیورجق خرس تونک زوجه سی آستونکده وقعه کیجه سی زوجی خرس تو کلره ک بچاق طلب ایتسیله بچاغک بولندینی محلی تعریف ایتدیکی بیان ایتدکلری اشعار قلمش و راپور دخی

مقتول ایلیانک صول بوکری اوزرنده آلت قاطعه ایله حاصل ایک سانیتمره طولنده و سکرز سانیتمره عمقده برعدد جرحه ایله صیرتک صول طرفنده وصول اضلاع کاذبه سنده درت سانیتمره طولنده سطحی و بطنک صاغر طرفنده و کوبکی اوزرنده اوج سانیتمره طولنده و بش سانیتمره عمقده صولدن صاغه مائل سطحی بر جرحه وصول فخذینک طیش طرفنده ایک سانیتمره طولنده و سکرز سانیتمره عمقده صاغدن صوله طوغری عمیق بر جرحه کورلدیکی و مرقومک فخذنده کی مذکور جرحه عمیق شریان فخذینک دخی جرح ایدلسیله وقوع بولان ترف دمدن متأثراً وفات ایلدیکی ازار ایدلشد .

قرائت ایتدیریلان اوراق مندرجانه نه دیه چکی متمدن صوردلده کندوسی خانه سندن بچاق آلدینی و اوج سنه دبریی برادریه طارغین ایدوکنی سوبلدی . مدعی عمومیک طرفدن بالا عطا قرائت ایتدیریلان شهود بوصله سنده اسماری محرراولوب دعوت واقعه به اتباعاً ورود ایتدکلری خبر و یریلان شاهدلر یکان یکان حضور محکمه به حقایقاره رق لدی السؤل طرفینه قرابت و مناسبت و خصوصتاری اولدینی اکلا شلدقندن و اصولی وجهله امرتحلفاری اجرا قلندقندن صوکره مواجهه استماع اولندقلرنده بولردن قرتال قضاسنه تابع پاشا قریه سنده مقیم بقال خرس تونک چراغی اون بش یاشنده واسیل ولدیناکی وقعه کیجه سی ساعت ایک راده لرنده متمدن قیورجق خرس تونک دکانه کلره ک اوسته سی خرس تو به اطلاع لسان ایله برابر طوقات اوردینی و برمدت صوکره مرقوم قیورجق خرس تونک الله بچاق اولدینی حالد تکرار بالورود کوشه ده اوتورمقده اولان اوسته سی خرس تونی کورمه یرک کندوسه هجوم ایتدیکی حالد کندوسی طانیسیله بقال دکانه کیه رک اوسته سی آردینی صره ده قورقوب قاچدینی و بالا آخره متمدن خرس تونک ایلیانی جرح و قتل ایتش اولدینی ایشته بکنی مضبوط افاده سی وجهله اخبار ولدی السؤل کوندوزخانه سندن طلب ایدیلان فاصولیه و صوغانی و یرمدیکندن طولای متمدن خرس تونک اوسته سی خرس تونی ضرب ایتدیکی و متمدن بچاقه کلدیکی و اوسته سی ضرب ایتدیکی زمان چوق سرخوش اولدینی و شهادتی حاضر بولنان متمدن حقنده ایدوکنی تذکار ایلدی .

(مابعدی کلجک نسخه به)

مارقونک متعدد محللردن اشیا سرقت ایلدیکی ثابت اولدیندن اوج ماه مدته حبسنه و ختام مدت جزایه سنده ضابطه جه کفالته ربطه

اینانک مجروحیتنه سببت و یردیکی ثابت اولان علینک برهفته مدته حبسنه و مصارف جراحیه نک بالتحصیل مدعی مرقومه و یرلسنه سلبانی ضرب ایتدیکی ثابت اولان قسطنینک اون کون مدته حبسنه دیمترینک نیقولی به تشهر سلاح ایتدیکی ثابت اولدیندن اون کون مدته حبسنه خرس تونک آندوناکی به اطلاع لسان ایلدیکی ثابت اولدیندن مرقومدن بر آتون جزای نقدی آلمسنه بک اوغلی بدایت محکمه سی جزا دائره سنجه قرار و یرلشد .

مُحَاوَلَاتِ اِنتِیَاهِیَّة

ترجان قضاسی بدایت محکمه سی اعضا سندن مستطقی اسماعیل بک ایله اولجه قضاء مذکور بدایت محکمه سی مستطقی معاونلککنده بولمش اولان بازید سنجانی بدایت محکمه سی مستطقی محمد افندینک مواد معینه ده خلاف قانون حرکاتده بولندقلری ارضروم و سیواس ولایتلری عدلیه مفتشکلندن وارد اولان اوراق تحقیقیه مؤداسندن اکلا شلمش اولغله موسی الیهمانک بالزل محاکمه آتته آلملرنه عدلیه نظارت جلیله سندن مأذونیت و یریه رک مذکور مفتشکلک تبلیغات لازمه اجرا قلتمشدر .

درسم سنجانی بدایت محکمه سی اعضا سندن خضر رحمی و آغوب افندیلرک خلاف قانون معاملاته جرأت ایلدکلری معموره العزیز ولایتی استیناف محکمه سی مدعی عمومیکندن وارد اولان اوراق محتویاتندن اکلا شلمسنه مبنی موسی الیهمانک بالزل محاکمه آتته آلملرنه عدلیه نظارت جلیله سنجه مأذونیت و یریه رک مذکور مدعی عمومیکله تبلیغات مقتضیه اجرا ایدلشد .

اعلانات

در سعادت استیناف مدعی عمر میلیک مأموریت بهر سنده : چهارشنبه قرینده بکچیکر محله سنده تره زقاغنده محمود بکک متصرف و مرانقوز سلیمان اغانک مستأجر بولندینی خانه نی قصداً احراقه قصدی ایلدیکی ادعاسیله مظنون علما اولوب غیر موقوفه بولنان مرقوم سلیمان اغانک زوجه سی ادرنه لی شریفه بنت محمدک اصول محاکمات جزایه قانونک مواد مخصوصه سی

احکامنه توفیقاً جنایت محکمه سنده محاکمه سی اجرا قلتمق اوزره قانون جزانک یوزالتمش دردنجی ماده سی موجبسنجه جنایتله اتهامنه قرار و یرلدیکندن متهمه مز بوره نک هر زرده کوریلور ایسه طوتیلوب محکمه مذکوره توقیفخانه سنه تسلیلی لازم کلجکی بالجله ضابطه عدلیه مأمورلرنک معلومی اولق اوزره اشبو اخذ و گرفت مذکره سی در سعادت هیئت اتهامیه سندن بالتظلم اعطا قلندی .

اوجوز یکریمی اوج سنه سی حزرراننک اون بشنجی کونی اقسامی غلطه ده بنائی کلیسای قارشوشنده ترزی طودورینک دکانی اوکنده بالنازعه استاوری نی جرح و قتل ایتدیکی ادعاسیله مظنون علیه اولوب غلطه ده کوچک خندقه ده بات بازارنده رشید بکک ۴۳ نومرو لی خانه سنده مستأجراً مقیم ایکن وقعه نی متعاقب فرار ایتش اولان اورته بویلی ، آجیق آلینی ، اورته برونلی ، آجیق صاج و قاشلی ، بغدای بکزی اون طقوز یاشنده بیره خانه نی دیونسک اوغلی یراسیمونک اصول محاکمات جزایه قانونک مواد مخصوصه سی احکامنه توفیقاً جنایت محکمه سنده محاکمه سی اجرا قلتمق اوزره قانون جزانک یوزتمش دردنجی ماده سی موجبسنجه جنایتله اتهامنه قرار و یرلدیکندن متمدن مرقومک هر زرده کوریلور ایسه طوتیلوب محکمه مذکوره توقیفخانه سنه تسلیلی لازم کلجکی بالجله ضابطه عدلیه مأمورلرنک معلومی اولق اوزره اشبو اخذ و گرفت مذکره سی در سعادت هیئت اتهامیه سندن بالتظلم اعطا قلندی .

ایکینی نجات محکمه سنده :

محمود پاشا جورانده ساکن ایکن ایکنجی تجارت محکمه سندن افلاسنه حکم اولمش اولان اجزاتاجری فیس ده مزبکی شرکتی ذمتنده آله جفی اثبات ویا موقتاً قبول و قید ایتدیرمش اولان آله جقلولرک قانوننامه تجارتک ۲۱۱ نجی و آتی ولی ایدن ماده سی موجبسنجه مفلس طرفندن تکلیف اوله جبق قوتقوردا تونک مذاکره سی ایچون ۳۲۳ سنه سی شایطنک اون التنجی جمعه ایرتسی کونی محکمه مذکوره نک مصالح افلاسیه رؤیته مخصوص اوطه سنه کللری اعلان اولنور .

آله نجات محکمه سنده :

آطنه ده عایدین پاشا جاده سنده کی مغازه لرنده تحقیجه طاشجیان آرتینک ۱۴ کانونانی سنه ۳۲۳ تاریخندن اعتباراً اعلان افلاسنه و مصالح افلاسیه نک

رؤیت و تسویسی ضمنتده اعضای محکمه دن رفعتلو محمود افندینک ژوز قومیسر و دعوی وکیللردن خچر افندینک موقت سندیک تعینلرنه و مغازه سیله اشیا زانده بیتیلرنیک تمهیرنه و اوراق و دفاترینک جلیله و کفالت مصدقه ارانه ایده مدیکی تقدیرده حبس و توقیفنه و بوبابده کی قرارک موقتاً اجراسنه آطنه تجارت محکمه سنجه قرار و یرلش اولدیندن قانوننامه تجارتک ۱۷۰ نجی ماده سی موجبسنجه دائمی سندیکلر انتخاب اولتمق اوزره اشبو ۳۲۳ سنه سی کانونانینسک یکریمی طقوزنجی صالی کونی ساعت التی راده لرنده اصحاب مطلوبک محکمه مذکوره نک مصالح افلاسیه رؤیته مخصوص اوطه سنه کللری اعلان اولنور .

آطنه ده قره صوفی چارسوسنده قومسیونخلیق ایتکده ایکن آطنه تجارت محکمه سندن افلاسنه حکم اولمش اولان ککیغورق چاقاقیانک خصوصات افلاسیه سنک رؤیت و تسویسی ضمنتده دعوی وکیللردن لامع اقدی اصالة سندیک تعین قلتمش اولدیندن مفلس مرقوم ذمتنده آله جفی اولانلرک قانوننامه تجارتک ۱۹۹ و ۲۰۰ نجی ماده لری موجبسنجه تحقیق دیون ایچون تاریخ اعلاندن اعتباراً یکریمی بر کون ظرفنده سنداتی محکمه کاتبه تسلیم ایلملری و مدت مذکوره ختامندن صوکره اوج کونده یعنی ۳۲۳ سنه سی شایطنک ایکنجی جمعه ایرتسی دردنجی بازار ایرتسی بشنجی صالی کونلری محکمه مذکوره نک مصالح افلاسیه رؤیته مخصوص اوطه سنه کلره ک سندیک اقدی مواجهه سنده آله جقلرنی اثبات و قید و تصدیق ایتدیرملری و مدت مذکوره اثبات وجود ایده میان آله جقلولر حقده قانون مذکورک ۲۱۰ نجی ماده سنه توفیقاً ایقای معامله اولنور .

آطنه ده طول بدستانده مانیفاتوره تجارتیه مشغول ایکن آطنه تجارت محکمه سندن افلاسنه حکم اولمش اولان طاهر صونیعه نک خصوصات افلاسیه سنک رؤیت و تسویسی ضمنتده دعوی وکیللردن لامع اقدی اصالة سندیک تعین قلتمش اولدیندن مفلس مرقوم ذمتنده آله جفی اولانلرک قانوننامه تجارتک ۱۹۹ و ۲۰۰ نجی ماده لری موجبسنجه تحقیق دیون ایچون تاریخ اعلاندن اعتباراً یکریمی بر کون ظرفنده سنداتی محکمه کاتبه تسلیم ایلملری و مدت مذکوره ختامندن صوکره اوج کونده یعنی ۳۲۳ سنه سی شایطنک التنجی چهارشنبه یدنجی پنجشنبه و طقوزنجی جمعه ایرتسی کونلری محکمه مذکوره نک مصالح افلاسیه رؤیته مخصوص اوطه سنه کلره ک سندیک اقدی مواجهه سنده آله جقلرنی اثبات و قید و تصدیق ایتدیرملری و مدت

مذکوره ده اثبات وجود ایده میان آله جقلولر حقده قانون مذکورک ۲۱۰ نجی ماده سنه توفیقاً ایقای معامله اولنهنجی اعلان اولنور .

آطنه ده یکی بدستانده مانیفاتوره تجارتیه مشغول ایکن آطنه تجارت محکمه سندن افلاسنه حکم اولمش اولان ییلویان قره بتک خصوصات افلاسیه سنک رؤیت و تسویسی ضمنتده دعوی وکیللردن محمود ندیم افندینک اصالة سندیک تعین قلتمش اولدیندن مفلس مرقوم ذمتنده آله جفی اولانلرک قانوننامه تجارتک ۱۹۹ و ۲۰۰ نجی ماده لری موجبسنجه تحقیق دیون ایچون تاریخ اعلاندن اعتباراً یکریمی بر کون ظرفنده سنداتی محکمه کاتبه تسلیم ایلملری و مدت مذکوره ختامندن صوکره اوج کونده یعنی ۳۲۳ سنه سی شایطنک اون سکرکنجی بازار ایرتسی اون طقوزنجی صالی و بکرکنجی چهارشنبه کونلری آطنه تجارت محکمه سنک مصالح افلاسیه رؤیته مخصوص اوطه سنه کلره ک سندیک اقدی مواجهه سنده آله جقلرنی اثبات و قید و تصدیق ایتدیرملری و مدت مذکوره اثبات وجود ایده میان آله جقلولر حقده قانون مذکورک ۲۱۰ نجی ماده سنه توفیقاً ایقای معامله اولنهنجی اعلان اولنور .

کوریجه قصبه سنک واروش محله سی ساکنلردن

و تجارتدن قوچی لازار یووه نک ۱۶ کانونانی سنه ۳۲۳ تاریخندن اعتباراً اعلان افلاسنه و مصالح افلاسیه نک رؤیت و تسویسی ضمنتده اعضای محکمه دن رفعتلو بنیامین افندینک ژوز قومیسر و دعوی وکیللردن واسیلاکی سنکلوس و تجارتدن استاوراکی بلاعوری افندیلرک موقت سندیک تعینلرنه و مغازه سیله اشیا زانده بیتیه سنک تمهیرنه و اوراق و دفاترینک جلیله و کفالت ارانه ایده مزایسه حبس و توقیفنه و بوبابده کی قرارک موقتاً اجراسنه کوریجه تجارت محکمه سنجه قرار و یرلش اولدیندن قانوننامه تجارتک ۱۷۰ نجی ماده سی موجبسنجه دائمی سندیکلر انتخاب اولتمق اوزره اشبو ۳۲۳ سنه سی شایطنک اون اوجنجی چهارشنبه کونی ساعت یدی راده لرنده اصحاب مطلوبک محکمه مذکوره نک مصالح افلاسیه رؤیته مخصوص اوطه سنه کللری اعلان اولنور .

مرسین نجات محکمه سنده :

مرسینک سبز جیلر چارسوسنده موسیماوروماتی دکانلرنه ساکن ایکن مرسین تجارت محکمه سندن

افلاسنه حکم اولنش اولان ترزی جیب لبنانینک خصوصات افلاسیه سنک رؤیت وتسویه سی ضمنده دعوی وکیللر وندن جورجی نصیف افندی اصالة سنديک تعیین قلمش اولدیغندن مفلس مرقوم ذمتنده آله جنی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکرمی بر کون ظرفنده سنداتی محکمه کاتبه تسلیم ایملری ومدت مذکوره ختامندن صوکره اوچ کونده یعنی ۳۲۳ سنه سی شباطنک اون ایکنجی صالی اون اوچنجی چهارشنبه واون دردنجی پنجشنبه کونلری مرسین تجارت محکمه سنک مصالح افلاسیه رؤیتته مخصوص اوطه سنه کلهرک سنديک افندی مواجهه سنده آله جقلمی اثبات وقید وتصدیق ایتدیملری ومدت مذکوره اثبات وجود ایده میان آله جقلولر حقنده قانون مذکورک ۲۱۰ نجی ماده سنه توفیقاً ایفای معامله اولنه جنی اعلان اولنور .

اسکیشهر تجارت محکمه سنده :

اسکیشهرده طاش باشنده کائن مغازه سنده تحفیه وعطاریه تاجری آغوب بغده صاریانک مبدأ عجزی بالآخره تبین ایده جک حاله کوره تعیین واعلان ایدلک اوزره ۲۲ کانون ثانی سنه ۳۲۳ تاریخندن اعتباراً اعلان افلاسنه ومصالح افلاسیه نک رؤیت وتسویه سی ضمنده محکمه اعضا ملازملرندن سلیمان افندی نک موقت سنديک تعیینلرینه ومغازه سیله اشای زائده بیتیه سنک تمهیرینه واوراق ودفاترینک جلبنه وكفالت مصدقه اراء ایده مدیکی تقدیرده حبس وتوقیفنه وبوبابده کی قرارک موقتاً اجراسنه اسکیشهر تجارت محکمه سنجه قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سنديکلر انتخاب اولنق اوزره اشبو ۳۲۳ سنه شباطنک طقوزنجی جمعه ایرتسی کونی ساعت یدی راده لرنده اصحاب مطلوبک محکمه مذکوره نک مصالح افلاسیه رؤیتته مخصوص اوطه سنه کللری اعلان اولنور .

کوریجه بدایت محکمه سی حقوق دأره سنده :

قولونیه قضاسنده رجوه قریه لی خرسو انستاس طرفندن کوریجه قضاسنه تابع بنداوین قریه لی طناسی اوغللری پاندو ومیخال ونوجی علیهلرینه اقامه اولنان حق شفعه دعواسنک محاکمه سی ۲۵ مارت سنه ۳۲۴ تاریخنه مصادف صالی کونی کوریجه بدایت محکمه سی حقوق دأره سنده اجرا قلنه جغندن ومرقوموندن نوجینک اقامتکاهی اکلاشیله میوب مجهول اولدیغندن

مرقوم نوجینک یوم مذکوره ساعت یدی راده لرنده بالذات حاضر بولنسی ویاخود طرفندن مصدق سندله بروکیل کوندرمیسی لزومنک اصول محاکمه حقوقیه قانوننک یکرمی التبی ماده سنک فقره اخیره سنه توفیقاً اعلانه ابتدار قلندی .

قره سی بدایت محکمه سی اجرا دأره سنده :

بالیکسیرک مارتلی محله سنده عطار لیغور افندی نک قره سی بدایت محکمه سنندن استحصال ایلدیکی ۱۳ تشرین اول سنه ۳۲۲ تاریخ و ۱۰۲ نومرولی اعلام موجبجه کبسود قصبه سنده ساکن مانول اوغلی واسیل وبرادری آریستیدی ذمتنده معلوم المقدار مطلوبنک تسویه سی ضمنده مدیونان مرقومانک متوفی پدرلری مانولدن ارثاً انتقال ایده رک نصف حصه شایعه لرینه متصرف اولدقلری بالیکسیرده قره اوغلان محله سنده اوچ قانندن عبارت مع مشتملات التی اوطه لی خانه اوچیک بشیوز غرو شده وینه بالیکسیرک جدید چارسوسنده دیشیجی دکانی ایکی بیک بشیوز غرو شده وکبسودده ۷۱ نومرولی خانه ایل آلتنده برقطعه دکان ایکی بیک بشیوز غرو شده وقصبه مزبوره چارسوسنده ۶ نومرولی بر قطعه قهوه خانه اوچیک طقسان غرو شده وکذلک قصبه مزبوره چارسوسنده برقطعه بقال دکانی درتیک غرو شده طالبی عهده سنده تقرایتمش وقرار داده قطعیسی کشیده قلمش اولدیغندن تاریخ اعلاندن اعتباراً اوتوز بر کون ظرفنده یوزده بش ضم ایل طالب اولانلرک منادی احداغایه واطرافلیجه معلومات آلق ایستینلرک قره سی سنجانی بدایت محکمه سی اجرا دأره سنه مراجعت ایملری اعلان اولنور .

شارکوی بدایت محکمه سی اجرا دأره سنده :

شارکوی قضاسنه تابع صوفی قریه سنک ۳۲۲ سنه سی اعشارینی التزام ایدن استرنه قریه لی پنائی ولد یورکینک خزینة جلیله دینی بولسان مبالغک تأمین تسویه سی ایچون حجز ایدیلان علكساندره موقعنده اوچ دونم باغ وبردونم ایکی اولک ترلا وقواق درده بردونم ایکی اولک باغ تاریخ اعلاندن اعتباراً اون بش کون صوکره مزایده یه چیقاریله جغندن طالب اولانلرک شارکوی قضاسی بدایت محکمه سی اجرا دأره سنه مراجعت ایملری اعلان اولنور .

قرولونیه بدایت محکمه سی اجرا دأره سنده :

اکیرونه لی یورکی آندونیونک قریه مذکوره لی

پنایوط افالونیاط ذمتنده با اعلام محکوم به آله جغنک تأمین استیفاسی ضمنده مدیون مرقومک اولجه حجز ایدلمش اولان اکیرونه نک دسینوطولا موقعنده بر طرفی استاورو وارزو باغی وبرطرفی اکا پنایوط غوغو ترلاسی وبر طرفی اغلایا دیکمه لکی وطرف رابی رالاقو طرولی ایتمی ترلاسیله محدود بر قطعه ترلا ایل کذلک قریه مذکوره جوارنده واقع ایکی طرفی طریق وبر طرفی یورکی خره لامبو باغی وخرستوفه باغلریله محدود برقطعه باغک ایلک قرار داده سی کشیده اولنش اولمغله یوزده بش ضم ایل طالب اولانلرک تاریخ اعلاندن اعتباراً اوتوز بر کون ظرفنده قالونیه ناحیه سی بدایت محکمه سی اجرا دأره سنه مراجعت ایملری اعلان اولنور .

ساقز بدایت محکمه سی اجرا دأره سنده :

ساقزک لیموس قریه سی ساکنه لرندن وستارخو بنت یورکی لاطوساکی نام قادی نک قریه مذکوره لی متوفی فوطی ولد یورکی ماسطورا کینک زوجه سی فروسو بنت یورکی سیریحیس نام قادین ذمتنده ساقز بدایت محکمه سی حقوق دأره سنک ۵۰ نومرولی و ۲۷ حزیران سنه ۳۲۳ تاریخلی کسب قطعیت ایتمش برقطعه اعلام غیبانی موجبجه محکوم به آله جنی بولنان مع فائض اوچیک التییوز غروش ایله مصارف محاکمه نک تأمین استیفاسی ضمنده مرهون بولنان قریه مذکوره ده «مارماری» و «قاتوفایاس» نام دیگر «برنجی اسقالیا» و «مرمی» نام دیگر «ایکنجی قورتیقوس» موقعلرنده کائن معلوم الحدود اوچ قطعه ترلاسنک تاریخ اعلاندن اعتباراً اون بش کون صوکره مزایده یه چیقاریله جنی ساقز سنجانی بدایت محکمه سی اجرا دأره سنندن اعلان اولنور .

بره ناحیه سی بدایت محکمه سی اجرا دأره سنده :

اوسقویلو قریه سی ساکنلرندن یره ناحیه سی زراعت تحصیلدار سابقی حاجی یورکی استیلیانونک یره دیون عمومیه اداره سنه محکوم بولندی ییدیوز الی غروش جزای تقدینک تسویه سنندن ترمذ وامتناعی جهته مرقومک محجوز بولسان متیوز موقعنده ۲۱ نومرولی برقطعه زیتونلکی تاریخ اعلاندن اعتباراً اون بش کون صوکره مزایده یه چیقاریله جنی یره ناحیه سی بدایت محکمه سی اجرا دأره سنندن اعلان اولنور .